

孝經大義序
孔門之學惟曾氏得其宗曾氏之書有三曰
大學曰孝經經傳章句頗亦相似學以大學
爲本行以孝經爲先自天子至庶人一也堯
典一篇大學孝經之祖也何克明峻德以至
親睦九族極而百姓之昭明萬邦之於天下
學之序也孝之爲道蓋已具於親睦九族之
中矣何也一本故也何是辨以克孝而微五
典尚以致孝而叙彝倫伊尹述成湯之德一



則曰立愛惟親二則曰奉先思孝个紀之修
孰大乎是文武周公帥是而行備見於記禮
所載上而宗廟之事下而子孫之保其爲孝
慮有加焉功化之盛至使四海之內人人親
其親長其長一鱗毛一釐甲之微無不得所
嗚呼二帝三王之教可謂大矣孝經一書即
其遺法也世入春秋皇綱紐解孔子傷之三
復昔者明王孝治之至惑之深望之切矣誠
使天子公卿躬行其上凡禮樂刑政之具壹

是以孝爲本則斯道也固天性之自然人心
之固有轉移間王道顧不易易乎惜也徒
託之空言而僅見於門人記錄之書也書存
而道可舉雖不能行之一時猶可詔之來世
今此經之可考者不過漢藝文志而已而其
篇次則顏注古文二十二章孔壁所藏本也
今文一十八章河間王所得顏之本而劉向
之所參校者也要之出於諸儒傳會皆非曾
氏門人所記舊文矣唐玄宗開元敕議恭非

不美而司馬貞溪學陋識非以閉門一章失
之卒啓玄宗無禮無度之禍而其所製序文
至以禮爲外飾之所資仁義爲後來之漸有
不知所謂因心之孝者果何所因而又何自
而萌乎學之不謹德之不備一至於此桓公
文公特起而夏平生精力用工易四書爲多
至此書則僅成列說一編註釋大義猶有所
未及噫人子不可斯須忘孝則此經爲天子
至庶人一旦不可無之書章句已明而文義

猶闕顧非一大欠事乎蓋嘗有志彙集諸家
傳註以明一經而未果一日余友胡庭芳挈
其高弟董真卿訪余雲谷山中手携孝經大
義一書取而閱之則其家君深山先生董君
季亨之所輯也其書爲初學設故其詞皆明
白而切實熟玩之則義趣精深又有非淺見
謬陋所能窺者族兄明仲敬爲刊之書塾以
廣其傳此豈惟學者修身齊家之要而有國
有天下者亦豈能外是而他有化民成俗之

道哉噫勝五十里國耳其君一用之至於四方草偃風動一時行事猶班班有三代之風學問之功用固如此晉武魏文亦天資之美者惜諸臣無識不能有以啓導而充大之德懲蓋壞此經之廢蓋十五百餘年人心秉彝種天爵廢豈無有能講而行之者誠有以三帝三王之心為心則必以三帝三王之教為教矣仁人心也學所以求仁而孝則行仁之本也語曰如有王者必世而後仁然何幸身

親見之歲在乙巳陽復之月前進士武與熊
未字嘗大德之九年也

卷之三

今文錄至辨章第十三

傳之六章

今文錄至辨章第十一

傳之七章

今文錄至辨章第十二

傳之八章

今文錄至辨章第十三

傳之九章

今文錄至辨章第十四

十列章合一十寸有八寸半約他卷二百

未文公科卷錄既賅又古矣或謂此章

朱文公作孝經判誤以古文定爲經一章傳
十四章合一千七百八十字內刪去二百
二十三字

經一章

今文開宗明義章第一

至庶人章第六合爲

一章

傳之首章

今文廣至德章第十三

傳之二章

今文廣要道章第十二

傳之三章

今文三行章第七

傳之四章

今文孝治章第八

傳之五章

今文聖治章第九上

節

傳之六章

聖治章下一節

傳之七章

今文紀孝行章第十

傳之八章

今文五刑章第十一

傳之九章

今文事君章第十七

傳之十章

今文感應章第十六

傳之十一章

今文廣揚名章第十四





傳之十二章 古文闈門章一

傳之十三章 今文諫爭章第十五

傳之十四章 今文喪親章第十八

傳之十五章 今文

傳之十六章 今文

傳之十七章 今文

傳之十八章 今文

傳之十九章 今文

傳之二十章 今文

孝經大義

宋文公刊

仲尼問居曾子待坐子曰參先王有至德要道以順天下民用和睦上下無怨汝知之乎

問音問字坐字參字今文無

仲尼孔子字名丘曾子孔子弟子名參字



傳之十二章 古文闈門章一

傳之十三章 今文諫爭章第十五

傳之十四章 今文喪親章第十八

傳之十五章 今文

傳之十六章 今文

傳之十七章 今文

傳之十八章 今文

傳之十九章 今文

傳之二十章 今文

孝經大義

宋文公刊

仲尼問居曾子待坐子曰參先王有至德要道以順天下民用和睦上下無怨汝知之乎

問音問字坐字參字今文無

仲尼孔子字名丘曾子孔子弟子名參字

子與稱子者尊之也此書曾子門人所記也孔子稱字曾子稱名師弟子之義也問居燕居之時也仲尼呼曾子之名而語之也以古先聖王之所以治天下自有極至之德切要之道以順其心故天下之民以此和協而親睦上下樂無所怨汝其知之否乎蓋天下之怨每生於不和不和之患常起於不順今有一箇道理能使之和順而無怨誠學者所當知也引而不發重其事

而未欲遽言之也德者人心所得於天_之理仁義禮智信是也此五者皆謂之德而此獨舉其德之至道者事物當然之理皆是而其大目則父子也君臣也夫婦也昆弟也朋友之交也此五者即仁義禮智之性率而行之以爲天下之達道者也皆謂之道而此獨舉其道之要道也德也一理也見於通行者謂之道本於自得者謂之德德之至即所以爲道之要順者不過因



入心天理所固有而非有所強排爲之也

曾子辟席曰參不敏何足以知之

辟音

禮師有問辟席起對曾子是孔子舉其德而曰至德樂其道而曰要道其事重大故席席而起辭讓而對

子曰夫孝德之本也教之所由生

夫音共生
下今文有

至此方言出，一孝字即所謂至德要道也
仁義禮智孰皆謂之德而仁爲本心之全

德仁主於愛愛莫大於愛親故孝爲德之
至父子君臣夫婦兄弟朋友之交五者
皆謂之道而親生膝下行之最先故子孝
於父獨爲道之根本猶根也行仁必自孝
始君子親親而仁民仁民而愛物一念之
發生生生不窮猶木之有根也聖人以五常
之道立教本立則道生移之以事君則忠
矣資之以事長則順矣施之於閭門則夫
婦和矣行之於鄉黨則朋友信矣充拓得

去無天下之大無一物而不在于吾仁之中
無一事而不在于吾孝中出故曰教之所由
生

復坐吾語汝身體髮膚受之父母不敢毀傷
孝之始也立身行道揚名於後世以顯父母
孝之終也夫孝始於事親中於事君終於立

身語去聲
夫音扶

孝之義甚大而其爲說甚長非立談可盡
故使復位而坐而詳以告之孝以守身爲

大身者親之枝也舉其大而言之則一
四體舉其細而言之則毛髮肌膚此皆愛
之於父母者父母全而生之我當全而歸
之爲人子者愛重其身而不致少有毀傷
此乃孝之始事也至於能立其身能行其
道不惟自揚其名而又以顯其父母此則
孝之終事也故夫所謂孝者始於事親爲
孝子中於事君爲忠臣忠孝兩盡則終於
立身爲全人矣蓋孝者五常之本百行之

源也未。有孝而不仁者也。未有孝而不義者也。未有孝而無禮無智無信者也。以之事君則忠。以之事兄則悌。以之治民則愛。以之撫幼則慈。一孝立而萬善從之。始言保身之道。終言立身之道。蓋不敢毀傷者。但是不虧其體而已。必不虧其行。而後方可言立身故。以是終之。夫立身之體。而愛親者不敢惡於人。敬親者不敢慢於人。愛敬盡於事親。而德教加於百姓。刑于四海。蓋

天子之孝

禮法

親謂父母也。愛者仁之端。敬者禮之端。惡者愛之反。慢者敬之反。德教謂至德之教。刑儀刑也。孔子既言孝者德之本。教之所由生。於是首言天子之孝。天子者又德教之所自出也。為天子而愛其親者必於人無不變。而不敢有所惡於人。敬其親者必於人無不敬。而不敢有所慢於人。我之愛既盡。則人亦興於仁。而知所愛矣。我之敬



既盡則人亦興於禮而知所敬矣夫如是則四海之大百姓之衆皆知有所視效而同歸於孝矣此蓋天子之孝當如是也天子者天下之表也上行之則下效之君好之則民從之天子所以愛敬其親者如此其至則下之人所以愛敬其親者亦莫敢不至况孩提之童無不知愛其親及其長也無不知敬其兄愛親敬兄本人心天理之固有天子亦順其所固有而利導之耳

安有感之而不應倡之而不和者哉所謂先王有至德要道民用和睦上下無怨者如此

在上不驕高而不危制節謹度滿而不溢高而不危所以長才貴滿而不溢所以長守富貴不離其身然後能保其社稷而和其民人蓋諸侯之孝

去聲守其守節之

下命是各有世守

在上在一國臣民之上驕矜肆也高居尊位也危不安也制節制財用之節謹度謹

守法度也滿處富足也溢滿溢也位尊曰
貴財足曰富杜稷國之主也諸侯初受封
則天子賜之士使歸其國而立社稷以社
主土稷主穀民生所賴以安養者也諸侯
所在下國臣民之上而不敢自驕則身雖居
高而不至於危殆不安矣制節財用謹守
法度則財雖盛滿而不至於滿溢滿溢矣
居高位而不危則不失其位之貴是以
長守此貴也處盛滿而不溢則不失其財

之富是以長守此富也富與貴常不能
其身如此然後方能保有其社稷而和調
其民人此蓋諸侯之孝當如是也蓋自其
始封之君受命於天子而有民人有社稷
以傳之子孫所謂國君積行累功以致爵
位豈易而得之哉則為諸侯之先公者其
身雖沒其心猶願有賢子孫世世守之而
不失也為其子孫者異若循理奉法足以
長守其富貴則能保先公之社稷和先公

之民人矣。諸侯之所以爲王者莫大於此。如其不念先公積累之艱勤，恣爲驕奢，至於危溢，以失其富貴，而不能保其社稷，民人則不孝莫甚焉。此諸侯所當戒也。

非先王之法服不敢服，非先王之法言不敢道，非先王之德行不敢行，是故非法不言，非道不行，口無擇言，身無擇行，言滿天下，無口過行滿天下，無怨惡。三者備矣，然後能守其宗廟。蓋卿大夫之孝也。

德行擇行，行滿之行也。去聲。大夫學。

法服，法度之服。先王制禮，異章服，以別品秩。卿有卿之服，大夫有大夫之服。法言，法度之言。德行，必有實得而見之。躬行，躬也。無擇，謂言行皆遵法合度，而無可選擇也。爲卿大夫者，當遵宗禮法，謹修德行，非先王之法服不敢服，惟恐服之不中，身之失也。非先王之法言不敢道，惟恐言輕而招辜也。非先王之德行不敢行，惟恐行輕而招辱也。以此之故，非法則不言，言則必合。

法非道則不行行則必中道出於口者既無可擇之言行於身者亦無可擇之行是以善之多至於徧滿天下而無口過行之多至於徧滿天下而無惡惡服法服道法言行德行三者既全備矣然後上無得罪於君下無得罪於民斯能長守其宗廟以奉其先祖之祭祀矣此蓋卿大夫之孝道也古者宗廟之制天子七廟諸侯五廟大夫三廟卿與大夫同若服非法之服是僭

也道非法之言是妄也行非德之行是僞也三者有其一則不免於罪而宗廟有所不能守矣故以是言之卿大夫適王朝侯國之卿大夫而言卿之上有公即諸侯也竟於事父以事母而愛同竟於事父以事君而敬同故母取其愛而君取其敬推之者父也故以孝事君則忠以敬事長則順忠順不決以事其上然後能保其再祿而守其祭祀蓋士之孝也

養資取也取事父之道以事母其愛母則同
於愛父雖未嘗不敬也而以愛為主以父
出妻養母主恩故也取事父之道以事君其
敬君則同於敬父雖未嘗不愛也而以敬
為主以君臣之際義勝恩故也以此之故
事母取其愛事君取其敬合愛與敬而兼
之者惟父然也故由是移事父之孝以事
君則爲忠矣移事父之敬以事長則爲順
矣蓋其忠順而不失其道以此事其上然

後能常安其祿位永守其祭祀矣此蓋士
之孝當如是也君有社稷卿大夫言宗廟
士言祭祀各以其所事爲重也庶人薦而
不祭又非士之比矣此章蓋言人必有本
父者生之本也愛與敬父兼之所以致隆
於父一本故也致一而後能誠知本而後
能孝故移孝以事君則爲忠移敬以事長
則爲順能保爵祿而守祭祀豈不宜哉士
事也有一命以上皆有所事故名曰士

有上中下三初命爲下土等而上之爲中
土上土謂於後稷而後發於土者宜於土
用天之道因地之利謹身節用以養父母此
庶人之孝也特
天之道謂天道流行爲春夏秋冬四時之
運也地之利謂土地生植農桑之利也謹
身者謹儉其身不妄爲也節用者節財
用不妄費也庶人未受命爲士旣不得以
事君野事者惟父母而已故以養父母爲

孝然養父母在於足衣食足衣食在於務
農桑務農桑又在於順時令別土宜天之
道春生夏長秋歛冬閉我則以春耕以夏
耘以秋收冬藏用天之道如此則順時令
矣地之利高下燥濕各有宜植我則或禾
黍或秔稻或菽麥桑麻因地之利如此則
別土宜矣蓋順天道而不辨地利則物無
以成辨地利而不順天道則物無以生必
天道地利二者皆得而後生植成遂有以

足於衣食矣，衣食既足，又必謹其身，而不敢放縱飾其用，而不敢奢侈，惟恐縱肆則犯禮而自陷於刑戮，後用則傷財，而不免於飢寒，常以此為心，則所以養其父母者，不徒養口體有餘，而養志亦無不足矣。此則庶人之孝所當然也。庶人逆指，舉人學為士，而未受命與農工商賈之屬，皆是也。故自天子已下，至于庶人，孝無終始而患不及者，未之有也。

已下二字，今文作卷

唐文宗云：五孝之用，則別而百行之源不殊。自天子而下，為諸侯、為鄉大夫、為士、為庶人，凡五等也。夫子既條陳五孝之用，而具言孝道之極，至則天子可以刑四海，諸侯可以保社稷，卿大夫可以守宗廟，士可以守祭祀，庶人可以養父母，其必至之教有如此者。閔者亦宜有以自勸矣。然猶恐其信道之不篤，用力之不振，而反以吾言之行與不行為無所損益於是有以懲

戒之謂以此之故上自天子下至庶人各
盡其孝而有終始則福必及之始前既云
者苟或雖知為孝而無終始則禍必及之
不得如前所云者蓋所謂孝者雖有五等
之別實為百行之本其始於事親終於立
身則天子至於庶人一而已矣故夫子為
天子庶人通說此戒以結上文之前云如
此而禍患不及者未之有言理之所必無
也學者可不敬誦而謹行之哉

右經一章

按朱子曰此一節夫子皆

子則答之告而曾氏門人

記也疑所謂孝者其本末

孰大乃孝終之博也

傳文因身博而終文亦不

傳文因身博而終文亦不

傳文因身博而終文亦不

傳文因身博而終文亦不

傳文因身博而終文亦不



新開通如讀書不獲得見其言半
猶大與爲書不細能令定在六七
章者合爲一章而視夫子曰者三
則書者亦列說者明在六下下字
以復經文之原其傳文
之失又別論之如左云

子曰君子之教以孝也非家至而日見之也
教以孝所以敬天下之爲人父者教以悌所
以敬天下之爲人兄者教以臣所以敬天下
之爲人君者詩云惟佛君子民之父母非至
德其孰能順民類此其大者守文者元者聖

字有也

夫乎言君子之教人以孝也非必家至而
戶到耳提而面命之也亦在施得其要而
已必教之以孝使凡爲子者皆知盡事父
之道即所以敬天下之爲人父者也教之
以悌使凡爲人弟者皆知盡事兄之道即
所以敬天下之爲人兄者也教之以臣使
凡爲人臣者皆知盡事君之道即所以敬
天下之爲人君者也蓋致吾之敬者終有
限惟能使人各自致其敬者斯無窮也又

引洞酌之詩曰君子有始此懼惇之德民
愛之如父母蓋能以至德爲教順天下之
心故其效如此其大也

子而右傳之首章釋至德以順天下

傳至德以順天下

子曰教民親愛莫善於孝教民禮順莫善於
禮移風易俗莫善於樂安上治民莫善於禮

釋至德章既言教民以孝悌之事至此章
又申言之而弁及乎禮樂所以愛其親

也故欲教民以相親相愛則莫有善於孝

者矣悌所以敬其長也故欲教民以有禮

而順則莫有善於悌者矣得其和之謂樂

樂有鼓舞動蕩之意故欲移改其風莫易

於其俗則莫有善於樂者矣得其序之謂禮

禮有上下尊卑之分故欲上安其君下治

其民則莫有善於禮者矣此四者蓋舉其

要而言然孝悌禮樂一本也此經本以孝

爲要道而四者之中孝又爲要孝於親必



悌於長孝悌之人心必和順和則樂也順則禮也四者相因而舉有則俱有矣

禮者敬而已矣故敬其父則子悅敬其兄則

弟悅敬其君則臣悅敬一人而千萬人悅所

敬者寡而悅者眾此之謂要道也

上文兼言孝悌禮樂四者至此又獨歸重

於禮至於言禮則又以敬為主蓋父母於

子一體而分愛易能而敬難盡故絜雖以

愛敬兼言而此獨言敬而以禮為重者蓋

其所以有序而和者未有不本於敬而能

其之也故又極推廣敬之功用蓋此心之敬

隨寓而見以此之敬而敬人之父則凡為

之子者莫不悅矣以此之敬而敬人之兄

則凡為之弟者莫不悅矣以此之敬而敬

人之君則凡為之臣者莫不悅矣彼為人

子為人弟為人臣者本皆有敬父敬兄敬

君之心而吾先有以敬之則深得其歡心

矣此之敬加於一人而被則千萬人悅所



敬者寡而悅者衆所守者約而施者博此
之謂要道也所以結一章之旨

右傳之二章釋要道

未了曰但經所謂

之與此亦不同也

會子曰甚哉孝之大也子曰夫孝天之經地
之義民之行天地之經而民是則之則天之
明因地之義以順天下是以其教不闕而成
其政不嚴而治

義今文
依之則

未者執行去解之經之義之
行下今文各有也空因地之

天以陽生物父道也地以順承天母道也
天以生覆爲常故曰經地以承順爲宜故
曰義人生天地之間稟天地之性如子之
肖像父母也得天之性而爲慈愛得地之
性而爲恭順慈愛恭順即所以爲孝故孝
者天之經地之義而人之行也孝本天地
之常經而人於是取則焉則者法也天地
之經常久而不變人之取則於天地亦常
久而不易其於衆人之中又有聖人者出

子曰昔者明王之以孝治天下也不敢遺小國之臣而况於公侯伯子男乎故得萬國之歡心以事其先王

昔者謂先代明王明哲之君遺忽忘也小國之臣謂土地褊小不能五十里附於諸侯曰附庸是也夫子言昔者明哲之王以孝道而治理天下也推其愛敬之心至於附庸小國之臣尚不敢有所遺忘小國之臣且不敢遺而况於公侯伯子男大國之

臣乎以此之故所以得天下萬國之歡心天子建國公侯地方百里伯七十里子男五十里五十里以下皆小國也合大小之國極言其多故曰萬國以萬國之衆而皆得其歡悅之心則尊君親上洞然無間人心和而王業固社稷靈長而宗廟尊安以此事奉其先王則孝道至矣孝道之至如此而闡世之君乃不昏然則以不明不誠故也明足以有見而知事理之必然誠足

以有行而不忘於微賤則萬國歸心先王
世享矣夫子所以首稱明王而繼言其不
敢蓋不敢之心則恭懼之誠也即經言天
子之孝不敢惡慢於人是也

治國者不敢侮於鰥寡而況於士民乎故得
百姓之歡心以重其先君

矣侮慢忽也一命以上爲士民則農工商
賈也諸侯有卿大夫只言士民亦舉小以
見大耳百姓或謂百官族姓或謂民之族
姓然以上文萬國例之當是官族大夫之
家先君始受命爲國君者也有天子以孝
治天下而諸侯亦以孝治其國推其愛敬
之心以及於國人至於鰥寡之微亦不敢
侮慢之而況於士民乎以此之故所以得
百姓之歡心百姓之心無不惟悅則能和

其民人保其社稷矣。以此而事奉其先君，豈非孝道之大者乎？此與經言諸侯之茅相發明，不敢侮鰥寡，即不驕不奢之極得。百姓之歡心，即長守富貴之本也。

治家者不敢失於臣妾，而況於妻子乎？故得人之歡心，以事其親。

此言卿大夫之孝。治士庶人亦并舉矣。古者卿置側室，大夫有貳宗，士有隸子弟，庶人工商各有分親，皆所謂臣妾也。臣妾賤

而隸妻子貴，而親人之情常原於親貴而疎於疎賤，而昔之爲卿大夫以孝治其家者，推其愛敬之心，下及於臣妾，會不敢少有失於臣妾之心。彼疎賤者尚如此，而況於妻子之親貴乎？則不矣其心可知矣。是以無貴無賤，無親無疎，皆得其人之歡心，而有以事其父母矣。

夫然故生則親安之，祭則鬼享之，是以天下和平，災害不生，禍亂不作，故明王之以孝治

天下如此詩云有學德行四國順之夫音夫行音夫
夫此總結治天下國家三節夫然猶言惟其
如此也故猶言是以如此也生謂父母存
時祭謂沒後來祀安者其心無憂寧者其
魂來格人死曰鬼氣屈而歸也天子諸侯
卿大夫皆以孝治天下國家而得人之懼
心以事其親如此故其生而存則親安之
沒而祭則鬼寧之由其心意之所安所以
魂氣之易感也是以普天之下既和且平

和則無津炭之氣故災害不生平則無怪
造之事故禍亂不作突害如水旱疾疫生
自於天者也禍亂如賊君弑父作於人者也
孝者天之經地之義而人之行也人人盡
孝則心和氣和而天地之和應矣夫子遵
總結之曰故明王之以孝治天下如此蓋
由天子身率於上諸侯以下化而行之所
以至此嚆明王之德力也又引抑諫以明之
義取天子有大德行則四方之國順而

天以明明王以孝治天下故諸侯卿大夫皆以孝治其國家也

右傳之四章釋民用和睦上下無怨

曰其治難辨而亦非經文之正意也

經以孝治世也

經以孝治世也

曾子曰敢問聖人之德其無以加於孝乎

行字 曾子曰敢問明主以孝治其極至之效如此

於是又推廣而言敢問天子聖人之所以

為治者固皆本於孝矣不知聖人之所以

為德者果無以加於孝乎抑亦有在於孝

之上可以致理成化過於此者乎

子曰天地之性人為貴人之行莫大於孝

天以陽生萬物地以陰成萬物天地之生

成萬物者雖以陰陽之氣然氣以成形而

理亦賦焉故夫子言人所稟受於天地之

理亦賦焉故夫子言人所稟受於天地之



性則比萬物爲最貴以能與天地參爲三才也以天地之性言之則人爲貴以人之行言之則孝爲大何也人稟天地之性不過仁義禮智信五者而已專言仁又爲人之心之全德義禮智信皆包括於其中仁主於愛愛莫先於愛親故仁之發見如水之流行親親爲第一坎仁民爲第二坎愛物爲第三坎此人所行之行莫大於孝也人惟不知孝之大也是故失於自小惟不知

人之貴也所以失於自賤自賤則雖有人之形無以遠於禽獸矣自小則雖有聖賢之資無以拔於凡庶矣此夫子答曾子之問必先之曰天地之性人爲貴人之行莫大於孝所以使人知所自貴而先務其大者董仲舒謂必知自貴於物而後可與爲善亦夫子之意也

婦人者天之

孝莫大於嚴父嚴父莫大於配天則周公其人也

人此極言孝之大者嚴尊敬也配合也周公
文王之子武王之弟成王之叔父名且食
乘於周位居三公故稱周公人子之孝於
親者無所不至而莫大於尊敬其父尊敬
其父者亦無所不至而莫大於配享上天
惟天為大尊無與對而能以已之父與之
配享所以尊敬其父者至矣極矣不可以
復加矣然仁人孝子愛親之心雖無窮而
立經陳紀制禮之節則有限求其能盡孝

之大而嚴父以配天者則惟周公其人也
中庸曰武王未受命周公成文武之德追
王大王王季上祀先公以天子之禮制為
嚴父配天之禮者周公也故夫子稱之

昔者周公郊祀后稷以配天宗祀文王於明
堂以配上帝是以四海之內各以其職來助
祭夫聖人之德又何加以於孝乎

下十文錄

郊祀祭天也祭天於南郊故曰郊后稷舜

之臣名棄辭命爲稷使教民播種百穀始
封於邰爲諸侯君其國故稱曰后稷拜爲
周之始祖文王大王之孫王季之子武王
堂之父名昌明堂王者出政布治之堂南面
背向明故曰明堂宗祀謂宗廟之祭也天以
形體言上帝以主宰言夫子言背者周公
之制禮也郊祀祭天用以后稷配尊后稷
猶天也宗祀祭帝則以文王配尊文王猶
帝也周公之所以尊敬其祖父如此是以

德教刑于四海四海之內爲諸侯者各以
其職分所當然皆來助祭敬供郊廟之事
孝道之感人若是則夫聖人之德又有何
者可以加於孝乎夫子答曾子之問意已
盡矣下文復申言聖人教人以孝之故
故親生之膝下以養父母曰嚴聖人因嚴以
教敬因親以教愛聖人之教不肅而成其政
不嚴而治其所因者本也禮去聖人遠人心
親父母也膝下謂孩幼嬉戲於父母之膝

下也。養者養也。嚴者嚴也。敬禮敬也。親親
昵也。愛慈愛也。本謂天性也。聖人教人，以
孝。非強之使然，乃順其自然。蓋親生膝下，
其初固惟知有親昵而已。未嘗知有所謂
尊嚴之道。然一體而分則自然有親愛不
容已之情。天之性也。雖曰親昵，而其尊卑
已自有。一定不可易之序存焉。天之分也。
此蓋其本然之所固有，而聖人立教亦非
強其所無而為之。故曰因嚴而教，敬因親

以教。愛所以教之。愛敬者不過啓其良心，
發其善性，而非有所待乎外也。故其教不
待肅而自成，其政不待嚴而自治。人子之
生也三年，然後免於父母之懷。長我育我，
顧我復我，出入腹我，骨肉之親，無有窮於
此者。生養之恩，無有大於此者。故曰欲莊
之德，昊天罔極。言父母恩德與天地並，雖
盡孝道，欲以報之，亦復無有窮極。此皆人
心固有之理，是以孩提之童，無不知愛其

也易曰家人有嚴君焉父母之謂也以父
之親言故曰續其大焉以君之尊言故曰
厚其重焉德主愛亦是就親字說禮主敬
亦是就嚴字說此蓋就所因者本也說一
本之意親親而仁民仁民而愛物如水之
一源而千條萬流皆此源之流如木之一
根而千枝萬葉皆此根之發孟子一本之
說正謂是也若昧一本之說不愛其親而
愛他人者則謂之悖德不敬其親而敬他

人者則謂之悖禮蓋由愛敬其親而推以
愛敬他人則為順不愛敬其親而先以
敬他人則為逆矣

禮記卷之六章釋教之所由生

子曰

其親以子則為一孝而各冠然于曰
今文則合之而文通工章為一孝無
此二子曰字而於不愛其親上故
完今詳此章之義謂寬更端篇以古
文為正不愛其親始於此與上文相
連蓋以今文為正若君臣之義之正
則又豈有既備哉今不能知其何
字也悖禮以上皆悖言但以其何
以下則又難取左傳所謂李文字此
皆文字之古與此王文說不相應而





此地得失又無補章既論于能之
今謂夫九九上宗李文子曰以訓則
德是以去之此言文子曰君子在位
可畏端命何能進處有處用端可則
容亦可報作事可法德行可受聲氣
可餘動作有文言
語有孝以臨其下

子曰孝子之事親居則致其敬養則致其樂
病則致其憂喪則致其哀祭則致其嚴五者
備矣然後能事親音去聲

此教之以善也居謂平居暇日無事之時
敬者推之而至其極也敬者常存恭敬不

敬慢易也養謂飲食奉養之時樂者歡樂
悅親之志也病者謂父母有疾疾甚而病
憂憂慮不遑寧處也喪謂不幸親死服去
喪也哀哀戚追念痛切也祭謂親沒而祭
祀之嚴謂精潔肅敬謹畏將事也人有
身心為之主上有百行孝為之大為人子
而者誠以愛親為心而不忘事親之業平居
無事常有以致其敬則敬存而心存於敬既
文遇養則樂遇病則憂遇喪則哀遇祭則

大孝經論語 三十一

養五者有二不備不可謂能然皆以敬為本
事親者居上不驕為下不亂在醜不爭居上
而驕則亡為下而亂則刑在醜而爭則兵三
者不除雖日用三牲之養猶為不孝也養去

此戒之以不善也孝子之事親者居人上
則當莊敬以臨下而不可驕矜為人下則
當恭謹以事上而不可侮存亂在己之醜數
等美則當和順以處眾而不可爭競苟居
上而驕則失道而取亡為下而亂則犯分

而致刑在醜而爭則替爨而召兵曰驕曰
亂曰爭三者不除而曰亡曰刑曰兵三者
必至危亡之禍憂將及親其為不孝大矣
雖且具牛羊豕三牲之養自以為盡禮親
得安坐而食乎故曰猶為不孝也愚按此
章以敬為主則有前之善無後之不善不
敬者反是事親而欲盡孝者可不愛親而
先盡敬乎

右傳之七章釋始於事親及不敢毀傷



朱格言也

子曰五刑之屬三千而罪莫大於不孝

五刑墨劓剕宮太辟五等之刑墨者刺字而涅以墨劓截其鼻剕斬其趾宮男子割勢婦人幽閉辟法也大法死刑也古用肉刑漢文帝始除之斬左趾者宮五百當劓者笞三百率多死景帝又定律笞五百曰三百笞三百曰二百呂刑云墨罰之屬千劓罰之屬千剕罰之屬五百宮罰之屬三

百大辟之罰其屬二百五刑之屬三千孔子蓋引此句以為刑罰之條其雖如此其多而罪之至大者無過於不孝則不孝者天地所不容也上章已足為天子諸侯卿大夫之戒矣於此又兼士庶人之戒焉要君者無上非聖人者無法非孝者無親此大亂之道也

此極言不孝之罪所以為大君者臣之所宜令者也而敢於要脅之是無其上聖



人者法之所從出也而敢於非議之是無其法也人莫不有父母也而敢以孝道爲大非是無其親也人必有親以生有君以安有法以治而後人道不滅國家不亂若三者皆無之此大亂之道也三者又以不孝爲首蓋孝則必忠於君必畏聖人之法矣惟其不孝不顧父母之養是以無君臣無上下遂毀法令觸犯刑辟不孝之罪蓋不殺誅也

洋右傳之八章

朱子曰綱上文不孝之云而贊於此亦於言也

子曰君子事上進思盡忠退思補過將順其義直救其惡故上下能相親詩曰心乎愛矣不謂矣中心藏之何且忘之

上謂君也進謂進見於君退謂既見而退謂爲臣者趨朝退朝時也內則父子外則君臣人之大倫也父子主恩君臣主敬故夫子言君子之事君上也進見於君已有善道則思竭盡其忠極言無隱及其既退

君有闕失則思補其過，雖則復善，至於君有美意則將順其美，助而成之。惟恐不及，君有惡念則匡救其惡，諫而止之。惟恐或形，養忠臣之事。君如孝子之事親，先其志，承其志，迎其幾，而致其力。一念之善則助成之，無使優游不決，沮遏而中止也。一念之惡則諫止之，無使昏蔽不明，遂成而莫救也。陳善閉邪，應之以早，防之以嚴，戒於未然，止於無迹。此魏鄭公所以願為良

臣而不願為忠臣也。為臣豈不願忠哉？然世所謂忠必至，犯顏敢諫，盡命死節而後為忠，不知救其橫流，而極其橫流，未若防微杜漸，為忠之大也。此龍逢比干之忠，所以不如華費穆契之良，而吾夫子亦以惟願其美，匡救其惡，為盡忠補過之至也。苟非君子進，則面從退，有後言有美不能助而成也。有惡不能救而正也。救君以自高，諂君以自愛，諫以為臣而不為君也。是以

上下相疾而國家敗矣。今以君子而事上，
所以忠愛其君者如此，則君享其安佚，臣
預其尊榮，故君臣上下能相親也。君猶父
臣猶子，相親猶一家也。君為元首，臣為股
肱，相親猶一體也。此相親之至也。又引阻
桑之詩，以喜臣心愛君，雖在遐遠，不謂為
遠。蓋愛君一念常藏心中，無日暫忘也。遠
者猶不忘也。而況於近，可不盡忠愛乎。
右傳之九章釋中於事君，誠明也。

論語左傳所載士貞子，於文選
無曾引，語亦足以發明穆子之意。

其今並

其今並

子曰：昔者明王事父孝，故事天明；事母孝，故
事地察；長幼順，故上下治。天地明察，神明彰
矣。故雖天子必有尊也，言有父也；必有先也，
言有見也。宗廟致敬，不忘親也；脩身慎行，恐
辱先也。宗廟致敬，鬼神著矣。孝悌之至，通於
神明光于四海，無所不通。詩云：自西自東，自
南自北，無思不服。

長上聲
行去聲

服去聲

易曰乾天也故稱乎父坤地也故稱乎母
惟父有天道母有地道王者繼天作子父天
母地凡其所以事天地之道亦不外事父
事母之道而已天人幽顯之道一也能事人
則能事神矣事父孝故事天明能事父以
孝則其事天也必明矣事母孝故事地察
能事母以孝則其事地也必察矣此明察
二字亦是就前章天經地義一句引來孔
子曰明於天之道而察於民之故孟子曰

舜明於庶物察於人倫大依經是總言其
大者義是中間事物纖悉曲折之宜童子
所謂常經通義亦是此意惟其爲天之經
也所以事父孝故事天明惟其爲地之義
也所以事母孝故事地察明字氣象大聰
明睿智無所不照察則工夫細文理密察
無所不周長幼順蓋就事父母推之上下
治蓋就事天地推之長幼尊卑無一不順
其序則人道盡矣極其孝則三光全寒暑

乎而天道清矣山川鬼神亦莫不寧焉獸
魚鼈咸若而地道寧矣所謂神明者即造
化之功用也事天地而至控如也此豈不詳
詳如其上如其左右乎此亦皆神明
王之事如此後之爲天子者所宜取法也
必有母也言有父也因事父事母孝二句
必有先也言有兄也因長幼順一句誰無
父母皆可爲孝誰無兄長皆可爲悌又推
而上之不特事父兄爲然至於奉宗廟事

先祖亦莫不然但須盡吾立身之道而已
備身慎行此是事親之始終不出於此故
爲人子一舉足而不敢忘父母一出言而
行不敢忘父母惟恐一言一行之玷以辱其
結親若其事宗廟致敬其彰著尤可見其實
子皆自充吾一念之孝悌而至其極則其幽
也可以通於神明其顯也可以光于四海
其無所不通故引文王有聲之詩以贊之
嗚呼是道非仁孝誠敬之至豈足以與控

此哉。天人之道昭矣。感應之理微矣。讚是章者必有以深體而默識之。

垂右傳之十章釋天子之孝。

每字曰有

子曰君子之事親孝。故忠可移。於君。事兄悌。故順可移。於長。居家理。故治可移。於官。是以行成於內而名立於後世矣。

行上聲去聲

名非君子所尚也。又曰君子疾沒世而名不稱焉。聖人豈發人以好名哉。名者實之實。有其實者必有其名。苟沒世而名不見。

稱則是終其身無爲善之實矣。是以君子疾之。苟疾其名之不稱。當常恐其實之不。至而致致勉焉可也。夫子於此廣其義。以終經言立身揚名之旨。謂爲君子者之於事親。苟極其孝矣。以事君則忠。故忠可移於君。事兄。苟極其悌矣。以敬事長則順。故順可移於長。居家。苟極其理矣。惟孝友于兄弟。克施有政。故治可移於官。事君者事親之推也。事長者事兄之推也。居官者。

居家之推也。根固者葉必茂，源深者流必長。有沃者光必燦，是以孝悌之行成於內，忠順之道達於外。君子務實，雖不求名而用閭鄉黨稱其孝，兄弟親戚稱其慈，僚友稱其悌，執友稱其仁，交遊稱其信，不惟譽滿於一時，而且名立於後世矣。雖在側微，又處頑父暴母傲弟之間，而能和以孝道，是以帝堯聞之曰：「岳舉之，天下君之萬世師之，豈有他哉？」孝悌而已矣。所謂以顯父

母者，豈有過於此哉。

《孝經》右傳之十一章，釋立身揚名及士之孝。子而闡門之內，身禮矣乎。嚴父嚴兄，妻子臣妾，猶百姓待役也。

此因上章言以治家之道而推之於一國。此章又以治國之道而施之於一家。蓋闡門之內，恩常掩義，至於治國之道，則以義而斷恩。傳者之意，恐其闡門之內，狃恩恃愛，易以疏於親愛，現比之私，故謂雖處闡



門之內六國之理實具焉敬父有君之道
嚴兄有長之道妻子臣妾即百姓徒役也
以此施之則義有以制私尊卑內外整整
然其有條理矣此實治國之要道也

右傳之十二章

孝子曰此因上章三句
移而意與孝也

孝

孝也妻字臣妾也
也或云或為十章

曾子曰孟夫慈愛恭敬安親揚名參闈命矣
敢問從父之令可謂孝乎

文有

參闈命矣

參闈命矣
文有則離下章

夫子教曾子以孝曾子一歎孝之大次問
無以加於孝夫子皆詳告之孝之始終備
矣惟幾諫一節言之未及曾子於是包攝
夫字之所已言者謂若夫慈愛恭敬安親
不揚名凡此之道則既得聞夫子之教命矣
經敢問為人子者一以順從為孝然則父母
子有命令將不問可否而悉從之然後可以
子為孝乎此曾子之善問也慈愛如養致其
樂恭敬如居致其敬安親不近兵刑揚名

知立身行道揚名於後世之類

子曰是何言與是何言與昔者天子有爭臣
七人雖無道不失其天下諸侯有爭臣五人
雖無道不失其國大夫有爭臣三人雖無道
不失其家士有爭友則身不離於令名父有
爭子則身不陷於不義故當不義則子不可
以不爭於父臣不可以不爭於君故當不義
則爭之從父之令文焉得為孝乎

於此處文意甚明

見非而從成父不義有害於孝理既不可
夫子故重言是何言與以戒之謂以從父
之令為孝是何等言不可以訓也會子本
以從父之令為問夫子又推而廣之自天
子至於庶人為臣子者見君父之過皆不
可苟順而不諫諫故昔者天子必有爭
臣七人則雖無道亦可以不失其天下諸
侯必有諍臣五人則雖無道亦可以不失
其國大夫必有諍臣三人則雖無道亦可

以不失其家。天子有天下，四海之大，萬幾之繁，善則億兆蒙其福，不善則宗社受其禍，故必有諫諍之臣以救其過，而後可立。者立，誹謗之木，設敢諫之鼓，大開言路，廣集忠益，諍臣豈止七人而已哉。夫子姑約而言之耳。若次於天子為諸侯，又次於諸侯為大夫，固小於天下，其事必簡，故五人而可。家小於國，其事又簡，故三人而可。其實諫不厭多，非必以數拘也。下至於士則

無臣，未為大夫則無家，所有者身。所稱者友，故士以友諍，則身不離其命。名父以子諍，則身不陷於不義。人之大倫有五，君臣父子為之首，而朋友居其末。君臣朋友皆以人合，惟父子為天屬之親。臣之忠愛其君者，以道事君，不可則止。友之忠愛其友者，忠告而善道之，亦不可則止。若子之於父，無可止之義，故曰君有過則諫，三諫而不聽則去。親有過則諫，三諫而不聽則號

泣而隨之。又曰：事父母幾諫，見志不從，又敬，不違勞而不怨。起敬起孝，悅則復諫，積誠以感動之，必其從而後已。此則父子愛親之至，終欲其歸於至善。又有非臣與友之所得爲者，自士以下，雖謂庶人，然天子諸侯大夫士之子均爲子也，均愛父也。父若有過，子必幾諫，無諫之諍，臣諍友可也。夫子是以總言之曰：故當不義，則子不可以弗爭於父，臣不可以弗爭於君，先父子

而後君臣，其音深矣。又曰：故當不義則爭之，從父之令，又焉得爲孝乎？所以結一章之責，而終言是何言與之義也。爭義當從諍，諫之大者諫而不入，則犯顏引義以爭之，不聽則不止也。

右傳之十三章

朱子曰：不辭，

不辭，

子曰：孝子之喪，親哭，不偯，禮無容言，不文，服義不安，聞樂不樂，食旨不甘，此哀戚之情也。

禮記

卷之三

卷之三

卷之三

卷之三

卷之三

卷之三

卷之三



君子有三樂，父母俱存，居其首，則人間至
樂無有大於此者矣。一旦不幸而死，班吾
之大樂，豈不為大哀乎？吾之一身，父母生
之，本同體也。存發頓異，骨肉睽離，寧不為
大痛乎？夫子於是申言孝子之喪其親也，
哀痛之極，發於聲為哭，其哭也不儀，氣竭
而盡，不能委曲也。動於貌為禮，其禮也無
容觸，地屈脊，不能為容也。出於口為言，其
言也不文，內憂無情，不能為文也。服衣之

義有所不安，聞樂之和有所不樂，食味之
旨有所不甘，無他人子之心，念念痛親之
死而已。豈復計吾之生哉？故寢苦枕塊，服
衰麻，食滌米，苟延殘喘於天地間，已為過
矣。耳目之接口體之奉尚，何心乎？夫子故
言此而結之曰：此哀戚之情，蓋謂此乃人
心自有之情，非聖人強之也。
三日而食，教民無以死傷生，毀不滅，性此聖
人之政。

今文有



入棺三年之喪三日不食過三日則傷生矣
所以三日而食者謂教天下之人無以哀
死而至於傷生雖毀瘠而不滅其性性者
人之所受於天以生者也性中有仁仁之
發主於愛愛莫大於愛親父母存而愛敬
之者根於性也父母歿而哀戚之者亦根
於性也若以哀戚之過而傷生是性可滅
也性可滅則生人之類滅矣此聖人之爲
政所以爲生民立命也

齊不遇三年示民有終養之棺搨衣衾而舉
之陳其簞篋而哀戚之擗踊哭泣哀而送之
卜其宅兆而安措之爲之宗廟以鬼事之春
秋祭祀以時思之方節反其若浦反
此又自聖人之政而詳之人親之亡也孝
子之心何有限量然而違之是無節也故
聖人爲之立其中制不過三年所以示民
有終極也其始死也爲之棺以周衣搨以
周棺衣衾以周身然後舉而斂之其將葬



也陳其饗餼食以素器而不見親之存則
傷痛而哀戚之其裨饒也女擗男踊號哭
潸泣而不忍親之去則悲哀而往送之爲
墓於郊不可苟也則卜之塚穴曰宅墓域
自兆必得吉而安厝之此皆慎終之禮也
祭爲廟於家必有制也則爲之三年喪畢遷
主於廟始以鬼而禮享之及其久也寒暑
變遷益用增感春秋祭祀以寓時思此追
遠之禮也至於忌日不用時謂君子有終

身之喪念親之意果何有窮已哉此皆聖
人之政因人之情爲之節文使過之者無
就不至者跋及也

生事愛敬死事哀戚生民之本盡矣死生之
義備矣孝子之事親終矣

此又合始終而言之以結一書之旨孝子
之事親也事死如事生事亡如事存於其
生也事之以愛敬於其死也事之以哀戚
生民之道孝悌爲本於此盡矣養生送死



其義爲大於此備矣。至此則孝子之事親其道終矣。○人之情有所愛而所愛施於所親。一錢之錐視爲己物必營護之一飯之恩常爲己惠必思報之。父子生我母兮鞠我父母之德較之一飯之恩孰小孰大父母之身比之一錢之錐孰重孰輕尚能思報一飯之恩營護一錢之錐則所以思報父母營護父母者宜知所盡心而竭力矣。居則致其敬養則致其樂生事愛敬也。

喪則致其哀祭則致其嚴死事哀戚也。夫民奴者非壯則不長老者非少則不養死者非生則不藏人情莫不愛其親愛之篤者莫若父子聖人因天之性順人之情而利導之教父以慈教子以孝使幼者得性老者得養死者得藏是以民不夭折棄捐而感遵其生日以蕃息而莫能傷故孝者生民之本也。古者菲之中野厚衣之以藉喪期無數後世聖人爲之中制中則欲其



可繼也。繼則欲其可及也。措之天下而人共守之。此法之所以不廢。人之所以無憾也。直斬之服。飯粥之食。顏色之戚。哭泣之哀。皆出於人情。不安於彼而安於此。非聖人強之也。三月而食。三年而除。上取象於天下。取法於地。不以死傷生。毀不滅性。因人情而爲之節也。死者人之大變也。舉而斂之。哀戚而奠之。擗踊哭泣而送之。措之以宅兆。葬之以宗廟。特恩之以祭祀。情文

盡於此矣。所以常久而不廢也。夫有生必有死。有始必有終。生事以禮。死葬以禮。祭之以禮。則可謂孝矣。故曰死生之義備矣。孝子之事親終矣。然夫子此書雖以授曾子而備言五孝之用。則自天子諸侯卿大夫士庶人皆所通行而爲人上者。又德教之所自出。故一則曰先王有至德要道三則曰明主治孝治天下。三則曰明主事父孝事母。孝至末章則亦曰教民無以死傷

生又曰示民有終也是則孝者天地之經
人道之本誠有天下國家者之所先務也
故雖生事葬祭貴賤有等禮不可違而獨
三年之喪自天子達於庶人無貴賤一也
聖人之為生民慮者豈不深且遠哉宰子
學於孔門親受夫子之教乃曰恭而已矣
又何怪齊宣王之短喪漢文帝之以日易
月自是而後習以為常為人上者如此何
以責其下哉尊信孟子惟一膝文公雖其

父兄百官皆不欲曰吾先君莫之行吾宗
國魯先君亦莫之行三年之喪能行者寡
矣文公獨有感於孟子親喪罔所有盡之
一語排群議而力行之然後百官有司莫
敢不哀百官族人可謂曰知至於四方之
來予者莫不大悅其有禮矣葬好德之良
心益甚昭昭乎不可泯也然則感人心厚
風俗至德要道何以加於孝哉

右傳之十四章

朱子曰亦不無疑辨別義其歸先禮於也又按



家得是書舊本遂命工鋟梓以傳梓使
四方得以家傳人誦各興其觀愛之心
而為夫仁孝之道庶或少補於風教之
萬一云爾

成化二十二年歲次丙午秋九月甲子

賜進士通奉大夫福建等處承宣布政使

司右布政使淳安徐貫謹識

正保四年仲秋吉旦



